

UVOD U MSUK 1

Upravljanje kvalitetom za društva koja vrše reviziju ili uvide u finansijske izvještaje, odnosno ostale angažmane s izražavanjem uvjerenja ili pružanja srodnih usluga

ŠTA?



MSUK 1 Upravljanje kvalitetom za društva koja vrše reviziju ili uvide u finansijske izvještaje, odnosno ostale angažmane s izražavanjem uvjerenja ili pružanja srodnih usluga zamjenjuje važeći standard IAASB-a, točnije Međunarodni standard kontrole kvaliteta (MSKK) 1, koji se odnosi na sisteme kontrole kvaliteta u samim društvima.

MSUK 1 nalaže društvima da uspostave vlastiti sistem za upravljanje kvalitetom pomoću kog će upravljati kvalitetom angažmana koje izvršavaju.

On se odnosi na sva društva koja vrše reviziju ili uvide u finansijske izvještaje, odnosno ostale angažmane s izražavanjem uvjerenja ili pružanja srodnih usluga.

Dakle, ukoliko društvo izvršava bilo koji od navedenih vrsta angažmana, kod upravljanja kvalitetom tog izvršenja služi se MSUK-om 1.



Društva svoje sisteme za upravljanjem kvalitetom moraju izraditi i uspostaviti najkasnije do 15.12.2022. godine.



MSUK 1 čini:

Osam komponenti koje se uzajamno nadopunjuju i integrirano funkcioniraju; i

Drugi zahtjevi u pogledu raspodjele poslova i odgovornosti za sistem, procjene sistema koju vrši rukovodstvo, zahtjevi u vezi s mrežama, odnosno uslugama mreža, te zahtjevi koji se tiču dokumentiranja.

KAKO?



SNAŽNIJE UPRAVLJANJE I RUKOVOĐENJE

MSUK 1 uređuje, između ostalog:

- obavezu društava da razviju radnu kulturu kojom će pokazati svoje zalaganje za kvalitetu. To uključuje priznavanje i jačanje:
 - djelovanja društava u službi javnog interesa tako što će angažmane provoditi s dosljednim stupnjem kvalitete;
 - značaja kvaliteta u kontekstu donošenja strateških odluka i poduzimanja strateških radnji, uključujući one koje se odnose na finansijske i operativne prioritete društva; kao i
- uloge, obaveze, odgovornosti i kvalifikacije rukovodstva i godišnje procjene učinaka rukovodstva.

UVOĐENJE PRISTUPA ZASNOVANOG NA RIZICIMA USMJERENOG NA OSTVARENJE ŽELJENIH CILJEVA U POGLEDU KVALITETE

UTVRDI CILJEVE U POGLEDU KVALITETE

- U okviru komponenti, MSUK 1 propisuje obavezne ciljeve u vezi s kvalitetom zasnovane na izlaznim vrijednostima.
- Svako društvo za sebe postavlja dodatne ciljeve u pogledu kvalitete za koje smatra da je neophodno ostvariti radi ispunjenja ciljeva sistema za upravljanje kvalitetom.

PREPOZNATI I PROCIJENITI RIZIKE U VEZI S KVALITETOM

- Društvo razumije uslove, događaje, okolnosti, postupanje ili nepostupanje koji bi se mogli negativno odraziti na ostvarenje ciljeva u vezi s kvalitetom.
- Društvo se fokusira na svoju prirodu i okolnosti, te na vrstu angažmana i okolnosti u kojima ih vrši.

OSMISLITI I REALIZIRATI ODGOVARAJUĆE ODGOVORE

- Društvo osmišljava i realizira odgovarajuće odgovore na rizike u pogledu kvaliteta.
- MSUK 1 uključuje neke konkretne odgovore. Ta lista nije sveobuhvatna.

PREPOZNATI INFORMACIJE KOJE UKAZUJU NA TO DA JE POTREBNO IZVRŠITI IZMJENE

U slučaju promjene prirode i okolnosti društva ili angažmana ili kada to zahtjevaju informacije do kojih društvo dođe kroz postupak monitoringa i korekcije, društvo je dužno je:

- postaviti ili prilagoditi dodatne ciljeve u pogledu kvaliteta; i
- prilagoditi ili uključiti nove rizike u vezi s kvalitetom i odgovore na njih.

DODATNI RESURSI



- Tri su kategorije resursa koji su potrebni za rad sistema za upravljanje kvalitetom i izvršenje angažmana:
kadrovski | tehnološki | intelektualni
- MSUK 1 konkretno uređuje problematiku resursa pružatelja usluga.
- Društvo je dužno razmotriti koji resursi su potrebni, da li su dostupni resursi dovoljni i na koji način se koriste i održavaju.

UNAPREĐENJE INFORMISANJA I KOMUNIKACIJE



- MSUK 1 potencira stalan protok informacija u okviru društva i s angažiranim timovima, te potiče društva da uspostave informacijske sisteme.
- Stalna razmjena informacija mora biti ugrađena u radnu kulturu društva.
- Društvo održava komunikaciju s vanjskim stranama kad god je primjereno
 - uključujući komunikaciju o sistemu s osobama nadležnim za upravljanje u slučajevima kada društvo vrši reviziju finansijskih izvještaja subjekta koji kotiraju na burzi.

MONITORING CJELOKUPNOG SISTEMA I PRAVOVREMENE I UČINKOVITE KOREKCIJE

MONITORING

- Društvo prati rad sistema u cjelini.
- Društvo prilagođava vrstu, učestalost i opseg aktivnosti praćenja prema faktorima koji su opisani u MSUK-u 1.
- Inspekcija izvršenih angažmana – MSUK 1 stavlja veći naglasak na to da se odabir vrši na osnovu rizika i u obzir uzimaju i druge aktivnosti koje društvo provodi.

PROCJENJIVATI NALAZE I PREPOZNAVATI NEDOSTATKE

- MSUK 1 daje okvir za procjenu nalaza i prepoznavanje nedostataka, te ocjenu ozbiljnosti i stepena prisutnosti tih nedostataka.
- Društvo je dužno istražiti uzrok(e) nedostataka.

OSMILITI I REALIZOVATI ODGOVORE

- Društvo ispravlja nedostatke tako što oslovljava njihov(e) uzrok(e).
- Rukovodstvo je dužno potvrditi da li korektivne mjere daju željene učinke.

GODIŠNJA PROCJENA SISTEMA ZA UPRAVLJANJE KVALITETOM




- Rukovodstvo vrši procjenu i utvrđuje da li sistem za upravljanje kvalitetom ostvaruje svoje ciljeve.
- Ta procjena mora se izvršiti najmanje jednom godišnje.
- Društvo poduzima dalje radnje ukoliko zaključi da sistem nije učinkovit.

OSLOVLJAVANJE PITANJA KORIŠTENJA MREŽA



- MSUK 1 stavlja naglasak na povećanje odgovornosti društava za njihove sisteme za upravljanje kvalitetom.
- Društvo razumije zahtjeve u pogledu mreža, odnosno usluga koje pružaju mreže i njihove učinke na sistem za upravljanje kvalitetom.
- Društvo razumije aktivnosti praćenja koje mreže provode za sva društva iz mreže, uključujući aktivnosti praćenja da se potvrdi da sva društva iz mreže na odgovarajući način ispunjavaju zahtjeve koji se odnose na mrežu.

NA KOJI NAČIN JE RIJEŠENA PRILAGODLJIVOST STANDARDA




Ciljevi u pogledu kvaliteta se zasnivaju na izlaznim vrijednostima, točnije, sama društva odlučuju na koji način ih ostvariti.

Rizici u vezi s kvalitetom su prilagođeni društvima. U nastojanjima da prepoznaju i procijene takve rizike, društva potenciraju razumijevanje uslova, događaja, okolnosti, postupanja ili nepostupanja koji se odnose na prirodu i okolnosti konkretnog društva i njegovih angažmana.

Standard nudi određeni ograničen broj odgovora koji se mogu dalje prilagođavati.

Postupci praćenja rada sistema i otklanjanja nedostataka se nastoje prilagoditi konkretnim okolnostima društva.

Primjeri dati u materijalima za primjenu ilustruju na koji način primijeniti određene aspekte standarda na kompleksnija, odnosno manje kompleksna društva.



Materijale koji će olakšati primjenu standarda možete naći na internet stranici IAASB.

Pratite nas na društvenim mrežama za sve informacije o izmjenama standarda i tome kako se iste mogu odraziti na Vas.



@IAASB_News



@IAASB



IAASB on YouTube

Ovo izdanje *Uvod u MSUK 1* od International Auditing and Assurance Standards Board (IAASB) koji je u decembru 2020. na engleskom jeziku objavio International Federation of Accountants, u martu 2021. je na bosanski jezik preveo Savez računovođa, revizora i finansijskih radnika Federacije BiH (SRRiF-FBiH) i umnožava ga uz dopuštenje IFAC. Postupak prevođenja dokumenta *Uvod u MSUK 1* razmatrao je IFAC i prijevod je urađen u skladu s dokumentom „*Izjava o politici – politika prevođenja i objavljivanja publikacija* IFAC“. Odobreni tekst Uvoda u MSUK 1 je izdanje koje je IFAC objavio na engleskom jeziku. IFAC ne snosi odgovornost za ispravnost i potpunost prijevoda, niti za postupanje koje bi moglo proistići iz njega.

Tekst na engleskom jeziku *Uvod u MSUK 1*. © 2020 IFAC. Sva prava pridržana.

Tekst na bosanskom jeziku *Uvod u MSUK 1*. © 2021. IFAC. Sva prava pridržana.

Izvorni naslov: *Introduction to International Standard on Quality Management (ISQM) 1, Quality Management for Firms that Perform Audits or Reviews of Financial Statements, or Other Assurance or Related Services Engagements – Fact Sheet (December 2020)*

Za svako umnožavanje, pohranjivanje, prijenos ili korištenje ovog dokumenta za druge slične namjene potrebno je tražiti dozvolu IFAC putem e-mail adrese: Permissions@ifac.org.